

honsell

### ■ RAI PAR FURLAN *Incuintri cun Gentiloni*

Il retôr de Universitât dal Friûl, Furio Honsell, al à domandât, ancje a non di aministradôrs, furlaniscj, rapresentants de Glesie Udinese e de stampe locâl, un incuintri urgent cul ministri des Comunicazions, Paolo Gentiloni, e cul president dal Consei di aministrazion de Rai, Claudio Petruccioli, daspò la firme dal gnûf contrat di servizi tra la Rai e il Guvier pal 2007/2009, che nol à, ancjemò une volte, aplicât chel che e previôt la leç di tutela des minorancis linguistichis storichis, la 482/99, in particolâr il regolament atuatif de leç. L'incuintri al è stât domandât par «concuardâ – si lei te letare di richieste, mandade ai 10 di Mai – lis misuris di cjapâ par garantî l'inviamet des trasmissions radiotelevisivis par furlan».